

Protest Udruženja „Žene Srebrenice“ Ne žele Milijanu Bojić u UO Instituta za nestale

Postavljenje predsjednice Udruženja nestalih osoba RS u to tijelo smatraju uvredom žrtava

Članice Udruženja „Žene Srebrenice“ uputile su jučer protest zbog odluke Vijeća ministara BiH da se u Upravni odbor Instituta za nestale osobe imenuje Milijana Bojić, predsjednica Udruženja nestalih osoba RS.



Begović: Mogući i protesti

- Nevjerovatno je da je na ovakvu odluku svoj potpis stavio Adnan Terzić ili neko koga je on ovlastio. Znaju li ti ljudi ko je Bojić i kakav odnos ima prema nestalim Bošnjacima i Hrvatima, posebno prema Srebreničanima - kazala nam je Nura Begović, nagovijestivši proteste „Žena Srebrenice“.

U jučerašnjem saopćenju za javnost Srebreničanke njeno imenovanje smatraju uvredom srebreničkih žrtava.

- Bude li Bojić član UO, naše udruženje prekinut će svaku saradnju s Institutom. Moli-mo ICMP da učini sve kako bi Institut bio tijelo kojem ćemo vjerovati, a ne stjecište ljudi koji redovno negiraju zločin počinjen nad Bošnjacima, posebno nad civilima Srebrenice - izjavila je Hajra Čatić, predsjednica Udruženja. **A. H.**

Nakon odlaska iz Sarajeva

Bešlić i rektori univerziteta pozivaju Stojanov u Mostar

Poznatom profesoru riješili bi i stambeno pitanje

Nakon što je profesor Dragoljub Stojanov dao otkaz na Ekonomskom fakultetu u Sarajevu i napustio glavni grad, gradonačelnik Mostara Ljubo Bešlić i rektori Univerziteta „Džemal Bijedić“ i Sveučilišta u Mostaru, prof. dr. Fuad Čatović i prof. dr. Frano Ljubić, pozvali su ga jučer da preseli u Mostar i predaje, saznaje „Dnevni avaz“.

U izjavi za naš list ovu informaciju je potvrdio gradonačelnik Bešlić, ističući da je Mostar spreman pružiti gostoprimstvo profesor Stojanovu. Također, ukoliko bi Stojanov prihvatio da preseli u Hercegovinu, Grad Mostar bi ri-



Bešlić: Pružaju gostoprimstvo



Stojanov: Profesor u Rijeci

ješio njegovo stambeno pitanje.

- Tragom afe-re u vezi s ovim slučajem ja sam pozvao rektore dva mostarska univerziteta i pitao ih da li bi našem gradu bio potreban kadar poput profesora

Stojanov. Oni su rekli da se radi o vrhunskom ekonomskom ekspertu i da je takav stručnjak potreban, kako bi predavao na ekonomskim fakultetima oba univerziteta. Šteta bi bila da jedan tako veliki stručnjak napusti ovu zemlju - rekao nam je Bešlić.

Nakon odlaska iz Sarajeva, profesor Stojanov postao je redovni profesor na Ekonomskom fakultetu u Rijeci. **F. VELE**

Iz Udruženja boraca „Branioći Bosne“ Nema razloga za optužbe protiv generala Karavelića

Kada glavna haška tužiteljica Karla del Ponte (Carla) vlast RS pozove na odgovornost zbog nesaradnje u hapšenju ratnih zločina, pored neozbiljne argumentacije, u pravilu se kao aveti prošlosti jave i glasovi „nebeskih Srba“.

Zadnji takav pokušaj dolazi od za sada neimenovane grupe koja pokušava inkriminirati generala Armije RBiH Vahida Karavelića, kaže Ismet Dahić, predsjednik Udruženja boraca „Branioći Bosne“.

- Zanemaruju činjenicu da su u Sarajevu, odakle je jedini-



Dahić: Glasovi „nebeskih Srba“

cama Prvog korpusa Armije BiH komandovao general Karavelić, u ratno vrijeme boravile brojne međunarodne organizacije i agencije velikog broja nacionalnih obavještajno-sigurnosnih službi, koje mu nikada do sada nisu javno pripisale djelovanje suprotno Ženevskoj konvenciji i protokola kojima su iz nje proizašli. Da je bilo zločina, koje pokušavaju sada podmetnuti, general Karavelić i mnogi drugi branioći davno bi odgovarali - pojašnjava Dahić. **E. B.**

Vlada RS objavila „rat“ državnoj televiziji Zukić: Najdrastičniji pritisak na nezavisno novinarstvo

Nezadovoljni odnosom koji BHT1 ima prema njima • Prošlo je vrijeme režimskih televizija • Koji su stvarni motivi za ovaj potez



Kasipović: Politički stav prema RS

Vlada Republike Srpske odlučila je u znak protesta „protiv odnosa koji prema Vladi RS ima BHT1“ da njeni zvaničnici više neće davati nikakve izjave novinarima državne televizije.

Informativni stav

Ovakvu odluku jučer je u Banjoj Luci saopćio potpredsjednik Vlade Anton Kasipović, kazavši kako je donesena „na temelju niza sugestija, primjedbi, negodovanja i insistiranja pojedinaca, i zbog načina na koji državna televizija u nekim emisijama koncipira odnos prema Vladi RS, događajima i nekim pojedincima“.

- Bilo je zahtjeva da Vlada novinarima BHT1 zabrani ulazak u institucije i prostor Vlade, ali to nije prihvaćeno - kazao je Kasipović.

On je navodeći razloge za ovakav potez rekao kako je BHT1 informaciju o obilježavanju Dana RS, 9. januara, „plasirala u dvadesetom minutu informativne emisije“.

- Vlada smatra da je to politički, a ne informativni i profesionalni stav prema tom događaju -



Zukić: Pritisak na uređivačku politiku

kaže Kasipović.

Glavni i odgovorni urednik BHT1 Amir Zukić ocijenio je skandalozom odluku Vlade manjeg

u 20. minuti dnevnika.

- Bio je deseti minut. Mi smo državna televizija i naravno da više pažnje dajemo državnim ne-

Nismo mi krivi ako se Dodik osjećao neugodno

Urednik na BHT1 odbacio je i zamjerke vlasti RS na emisiju „Pošteno govoreći“, koja je emitirana u utorak, a u kojoj se, kako su rekli, na „nekorektan način postupalo prema učesnicima“.

- Za nas više nema tabu tema, ukoliko se nekom nije svidjelo

šta se govori i pita u toj emisiji, koja je govorila o tome šta je RS danas, nismo mi krivi. Ne može se nas optuživati ako se Milorad Dodik nije lijepo osjećao u toj emisiji ili Nikola Špirić u emisiji „Javna tajna“ koju uređujem - ističe Zukić.

entiteta, dodajući da se radi o „samo jednom u nizu političkih pritisaka i miješanja u uređivačku politiku javnog emitera“.

Porast gledanosti

- Ovo je do sada najdrastičniji pritisak na nezavisno novinarstvo. Međutim, iza svega se kriju drugi motivi. Neko je plasirao ovakvu odluku tik pred imenovanje novog rukovodstva BHRT-a, kome se želi na ovaj način reći kako će morati raditi u budućnosti - smatra Zukić.

Netačno je, kaže on, da je informacija o Danu RS plasirana

go entitetskim praznicima. Potpuno smo profesionalno i objektivno tu postupili - kaže on.

Zukić kaže da BHT1 neće „poduzimati nikakve kontramjere“ i poručuje čelnicima RS „da je prošlo vrijeme režimskih televizija“. On napominje i da se sve dešava u vrijeme porasta gledanosti informativnog programa BHT1 u RS-u.

Sinoć je saopćenjem za javnost reagirao i Uređivački kolegij BHT1, koji je također odbacio sve optužbe Vlade Republike Srpske. **T. LAZOVIĆ**

U četvrtak prikazana posljednja epizoda serijala „Pećnica“ više neće biti emitirana na Federalnoj TV

Urednik Senad Pećanin kaže da su razlozi tehničke prirode

Urednik emisije „Pećnica“ na Federalnoj televiziji Senad Pećanin je u izjavi za naš list potvrdio da je u četvrtak emitirana posljednja emisija serijala „Pećnica“.

On nije htio detaljnije pojašnjavati zbog čega je prekinuto prikazivanje političke emisije nakon samo nekoliko sedmica.

- Riječ je o tehničkim razlozima - rekao je Pećanin, negirajući da je bilo nekih sukoba s rukovo-



Pećanin: Negira sukobe

dstvom FTV-a.

U Službi za odnose s javnošću Federalne televizije rekli su nam da nemaju nikakve informacije o tome.

- I mi smo vidjeli objavu Senada Pećanina, ali nemamo nikakve detalje - izjavila je Sanja Sehagić iz Pres-službe.

Direktor Jasmin Duraković jučer nije odgovarao na naše telefonske pozive. **T.L.**